

حقوقی بیلگیلر مجموعه سی

هر آيك اون بيشده نشر اولتور

« آووقاتلق قانوننک ۶ نجی ماده سیله ۱۲ نجی ماده سنک صوگ فقره سی

و اونی معدل اولان ۶-۱-۱۹۲۶ تاریخ و ۷۰۸ نومرولی قانونک

دردنجی ماده سی مقامنه قائم قانون »

۱ — ۱۱ نیسان ۱۹۲۸ تاریخ و ۱۲۲۰ نومرولی قانون، (رسمی جریده: ۱۴ نیسان ۱۹۲۸). ۲۸ شعبان ۱۳۴۲، ۳ نیسان ۱۳۴۰ تاریخی محامات قانوننک (بو عنوان ۶ کانون ثانی ۱۹۲۶ قانونیله آووقاتلق اولمشدر) ۶ نجی و ۱۲ نجی ماده سنک صوگ فقره سی و ۶ کانون ثانی ۱۹۲۶ تاریخی محامات قانونی تعدیل ایدن قانونک دردنجی ماده سی الفا ایدرک برینه قائم اولمقدردر. ایکی ماده لک حکمی احتوا ایتکدهدر.

۲ — قانونک برنجی ماده سی ایجابی « بارو مجلس انضباطی، شکایته مبنی و یا رأساً و یا محلی مدعی عمومینک طلبی اوزرینه آووقاتلق قانوننک بشنجی ماده سنده کی مجازات انتباهیه بی ترتیب ایدر. مجلس انضباطک طلب و شکایت تاریخندن بر آی ظرفده برقرار ویرمسی مجبوریدر. بومدت ظرفده بر قرار ویرلیدی تقدیرده شکایتچینک مراجعتی اوزرینه و یا رأساً مدعی عمومی عینی طلبی محکمه یه درمیان ایده بیلیر. فقره (۱-۲) بناءً علیه، بر آووقاتک، مسلکی وظیفه سی ایفا مناسبیله، سبیت ویردیکی ضرردن متضرر اولانلر، حقوق و جزا اصول محاکم لری احکامنه توفیقاً محاکم عادییه مراجعت صلاحیتی حائز اولدقلری کی، بارو مجلس انضباطنه مراجعت ایله آووقات حقنده مجازات انتباهیه تعیینی طلب حقنی ده حائز درلر.

آووقات حقنده ترتیب اولوناییله جک مجازات انتباهیه، مشتکینک حقوق شخصیه سنه بروجمله تأثیر ایده من. کرک جزا و کرک حقوق حاکمی، بارونک حکم ایتدیکی ویا تطبیقنه محل کورمیدیکی مجازات انتباهیه ایله مقید اوله ماز. شو حالده مشتکینک بارو مجلس انضباطنه مراجعتنده قانوناً شایان حمایه و نظر بر استفاده سی یوقدر. واضع قانون، ده ا زیاده مشتکی بی معناً تطمینی دوشونمش اولاجقدر. دیگر طرفدن شکایت واقعه

اوزرینه مجلس انضباط تحقیقاته توسل ایده جکندن بونک نتایجندن مشتکینک استفاده ایتسی ملحوظدر .

مجلس انضباط بر آی ایچنده بوخصوصده قرار ویرمرسه مشتکی مجازات انضباطیه قرار آلق اوزره محکمهیه مراجعت ایده مز. مشتکینک احکام عادیهیه توفیقاً ضرر وزیان ادعاسی حق محفوظدر . مدعی عمومی محکمهیه یالکز مجازات انضباطیهیه قرار آلق ایچون مراجعت ایده بیلیر . مشتکی یالکز مدعی عمومی دن محکمهیه مراجعت ایتسی طلب ایده بیلیر . مدعی عمومی شکایت واقعیه ، حق ویا انضباطی جزا تطبیق ایچون کافی درجه آغیر کورمرسه محکمهیه مراجعت ایتکه مجبور دکلدر .

فی الحقیقه مؤککله ، ضروری اولارق آووقاتله اعتماد ایتکده اولدیغندن آووقاتلرک حیثیت مسلیکله ایله قابل تألیف اولمایان برفلاک صدوری منفعتی اخلال ایدره . بناء علیه آووقاتک فعلی جرم تشکیل ایتسه بیله مدعی عمومینک مجازات انضباطیه طلب ایده بیلیمسی چوق فائده لیدر . فقط صرف کندی منفعتی محافظه مقصدیه حرکت ایدن فردک ، آووقاتک شرف وحیثیت ذاتیه سبیله اوینامسی معقول کوریه مدیکسندن قانون آنجق کندیسنه مدعی عمومییه شکایتلری عراض ایده بیلیمک صلاحیتی ویرمش ومحکمهیه دوغریدن دوغرییه مراجعت حقنی ویرمه مشدر .

۳ — بارو مجلس انضباطنک قرارلری قطعی دکلدر : مدعی عمومی ، مجلس انضباطنک هر درلو قرارلری علیه ؛ محکوم آووقاتده اخطاردن ماعدا قرارلر علیه اعتراض ایده بیلیر . بناء علیه بارو مجلس انضباطنک مجازات انتباهیه دائر اولان قرارینه قارشی محکوم آووقات اعتراض ایتسه بیله ، مدعی عمومی اعتراض ایده بیلیر . مدعی عمومی ، شکایت اولنان آووقات حقنده مجلس انضباطجه تعین ایدئش جزانک رفی و تعدیل وتحقیق ایچون اعتراض ایده بیلدیکی کبی جزانک تشدید ایچونده اعتراض ایده بیلیر . ۱۳۴۰ قانونی مجازات انتباهیه محکومیتنی متضمن مجلس انضباط قرارلرینه قارشی مدعی عمومییه اعتراض حقنی ویرمیور ایدی . تعین معاملهیه محل اولمادیغنه دائر قراره اعتراض صلاحیتی حائز اولان مدعی عمومینک مثلاً یک آغیر فعل ویا جرم سبیلله اتخاذ ایدیلن اخطار جزاسنی حد لایقنه چیقارمق ایچون اعتراض ایده مه مسی معقول دکل ایدی :

« بارو مجلس انضباطنجه اتخاذ اولنان قرارلر برهفته ظرفنده مدعی عمومیلکه تودیع اولونور ». (فقره ۳) مدعی عمومی، تعیین معامله به محل اولمادیغه دأثر قرارلره قارشی اعتراض ایتک ایسته مزسه اوراقی حفظ ایدره. بالعکس مجازات انتباهیه به متدأثر اولانلری مدعی عمومیلک طرفندن برهفته ظرفنده محکوم آووقاته تبلیغ اولونور ». فقره ۴، مدعی عمومی و محکوم آووقات اعتراض حقیرینی برهفته ظرفنده استعمال ایتک مجبوریتنده درلر. بومدت مدعی عمومی به قارشی بارو طرفندن قرارلک مأموریتنه تودیعی؛ محکومه قارشی ده کندیسنه مدعی عمومیلک طرفندن یاپیلان تبلیغ تاریخندن اعتباراً جریان ایدره. فقره ۵

۴ — « بارو اولیان یرلرده انضباط مسلکینک تأمین و عندالحاجه بشنچی مادهده (۱۳۴۰ قانونی) مذکور مجازات انتباهیه تک ترتیبی محلی مدعی عمومیلرینک سبق ایدره ک طلبری ایله اصلیه موادیی رؤیت ایدن محکمه به طأددر » فقره ۶ بو حکم یکی دکلدر.

« کرک بارولر طرفندن و کرک بارو اولیان یرلرده اصلیه موادیی رؤیت ایدن محکمه طرفندن و بریلن مقررات اوزرینه تدقیقات اعتراضیه اجراسی او محلهده آغیر جزا دعوالرینی رؤیت ایدن آیری بر محکمه وارسه او محکمه به یوقسه مذکور دعوالری رؤیتله مکلف الک یقین اصلیه محکمه سنه مودوعدر » فقره ۷. ایمدی بارو مجلسنجه اتخاذ اولنان قراره قارشی ایدیلن اعتراضلر مواد عادییه بی رؤیت ایدن محکمه اصلیهده تدقیق ایدبله مز.

۵ — قانون ماده نک صوک فقره سنده اعتراضلرک اصول تدقیقی تعیین ایدیور. بو اصول ۱۳۴۰ قانونیه قبول ایدیلن اصوله نظراً فرقلیدر. مذکور قانونه نظراً محاکمه شفاهی وخفیدر. ۱۲۲۰ نومرولی قانونک تحلیل ایتدی کمز ۷ نجی فقره سی شفاهی محاکمه برینه تحریری محاکمه اصولی اقامه ایدیور : « محکمه بارونک ودیگر علاقه دارلرک مدافسه و ایضاحلرینی تحریراً بیان ایتلری ضمنتده کندیلرینه در حال مناسب بر مدت تعیین و بومدتک مرورندن اعتباراً بش کون ظرفنده اوراق اوزرینه قرارینی اعطا ایدر، بوقرار قطعیدر. بناء علیه تمیز ایدبله مز.

محکمه طرفندن، نقطه نظرینی بیسلدیر مک اوزره بارویه یاپیله حق تبلیغات مجلس انضباط رئیس و با اعضا لرندن برینه یاپیلا بیلیر. بوحالده مجلس انضباط، مسئله حقنده کی

نقطه نظریه اعتراض ایدن مدعی عمومی ویا آووقاتك اعتراضنامه سنده استناد ایتدیکی سببه قارشی مدافعه سنی یازار . آووقات ویا مدعی عمومی ، اعتراضنامه سنده بارو مجلس انضباطنی خطایه سوق ایدن سبیلری بر تفصیل کوسترر . ذاتاً شکایتنامه سنده تفصیلات ویرمش ایسه بو تفصیلاتده عطف ایده بیلیر .

اصول محاکمه نقطه سندن بوراده بر نقصان نظر دقتی جلب ایدور . بارو، معترضك اعتراض سبیلرینه واقف اولارق قرار سابقی مدافعه ایدم بیلیر سده معترض بارونك بو جوابنه قارشی مدافعه سنی درمیان ایتك امکانشز لغتده در . بناء علیه محکمه ، معترضی تماماً آکلامدن قرار ویرمك اضطرارنده قالا جقدر . بزه کوره، بارو مجلس انضباطنك ویره چکی جواب اعتراض ایتش اولان مدعی عمومی ویا و آووقاتنه تبلیغ و کندیسنك تکرار جواب ویره بیلیمک صلاحیتی تسلیم اولنمایدور .

..

ایکنجی ماده موجبجه « بارو اولان محللرده آووقاتلر صلح محکمه لرنده اجرای وکالت ایدم جکلری کی طرفینك بولندقلری قریه ویا قصبه ده مقیم اولوبده وکالتی صنعت اتخاذ ایتمه مش اولان اقربا و اجاسی ده بلا اجرت وکالت ایدم بیلیرلر . بارو اولیان یرلرده بولردن ماعدا دعوی وکیللری دخی ایضای وکالت ایدم بیلیرلر . آنجق آووقاتلقدن منع ایدیلنلر هیچ بروجله وکالت ایدم مزلر . »

بوماده ۱۸ حزیران ۱۹۲۷ تاریخلی حقوق اصول محاکمه لری قانونشك ۶۱ نجی ماده سنی قسماً تعدیل مقصدیله وضع ایدلمشدر .

مذکور ۶۱ نجی ماده شفاهی اصول محاکمه یه تابع اولان ایشلرده وکیل انتخابی سربست بر ایش ایدی . مع مافیه بعض رقفا بوماده یی بشقه صورته تفسیر ایدمک صلح محکمه لرندهده آووقات اولمایانلرک وکالت حق اولمادیفی ملاحظه سنده بولنمشلردر . بالعکس یکی حقوق اصول محاکمه لری قانونی شر حمزده صلح محکمه لرنده وکالتک سربست بولوندیفی قناعتی اظهار ایتش ایدک . حقوقی بیلکیلر مجموعه سنك ۱۶ نومرولی نسخه سنده قانونی مدافعه مقصدیله بعض اسباب موجبده ذکر ایتدک . بالخاصه صلح محکمه لرنده کی ایشلرک اووقات اجرته متحمل اولماسی سببیه ایش صاحبیلرینك اقربا ویا کاتبلری واسطه سیله

بو محکمه ده تمیلنده کی قائمیه اشارت ایتش ایدک . بالعکس آووقات حسین اکرم بک مجموعه نك ۱۷ نومرولی نسخه سنده مخالف بر نقطه نظر مدافعه ایتدی . واکرم بک مجموعه نك ۲۰ نومرولی نسخه سنده مسئله یی یکیدن تدقیق ایتشدر . محکمه لر ، ابتداری ماده یی ایکی مختلف طرزده آ کلامشدر . نهایت محکمه تمیز ، اجتهدیله ، ده ا زیاده اکرم بک طرفندن مدافعه اولنان اساسی قبوله متایل بولمشدر .

۱۱ — نisan ۱۹۲۸ قانونی، صراحة حقوق اصول محاکمہ لری قانوننک مارالذکر ماده سنی الفا ایتمه مش ایسه ده وضع ایتدیکی حکم ایله ضمناً تعدیل ایتشدر :

۱۹۲۸ قانوننک ایکنجی ماده سنه کوره بارو اولمایان یرلرده ، صلح محکمه لرلنده هر کس ایستدیکنی توکیل ایدم بیلیر . بالعکس بارو اولان یرلرده آنجق آووقاتلق قانونی موجبجه آووقاتلق یاغمه مأذون اولانلر ایله « طرفینک بولندقلری قریه و یا قصبه ده مقیم اولوبده وکالتی صنعت اتخاذ ایتمه مش اولان اقربا و احبابی بلااجرت وکالت ایدم بیلیرلر . » واضع قانون ، مسلکدن اولمانلر و مسلکی انضباطه تابع بولنمان کیمسه لک صلح محکمه لرلنده بیله طرفینی تمثیل صنعتی اجرا ایتمسنی موافق بولمور . فی الحقیقه آووقاتلق صنعتی یاپانلر ، درلو تزویر سبیلرینی اوکره نیرلر . کندیلری مسلکی بر انضباطه تابع طوتیلمازسه مؤکللرینی اضرار ایتلری ممکندر . بناء علیه دوقتورلق کبی ، آووقاتلق صنعتی ده اجرا ایچون مأذونیت مخصوصه شرطدر . و بومأذونیت آنجق صنعتی وقفی دیپلوما ایله اثبات ایدن ناموس و شرف صاحبی کیمسه لره و یرله بیلیر . و اجرای مسلک مأذون ایکن حیثیت مسلکیه ایله میان معامله ده بولنانلردن مأذونیت استرداد اولونور . فقط مجموعه نك ۱۶ نومرولی نسخه سنده کی مقاله مزده ایضاح ایتدی کمز وجهله علی الاطلاق آووقات اولمایان وکیللره صلح محاکمی قابولرینی قایامقده ده ا بویوک برته لک واردر . واضع قانون ، متوسط و معقول بر شکل اولق اوزره وکالتی صنعت اتخاذ ایتمه مش اولانلره بلااجرت صلح محکمه لرلنده احیاناً وکالت ایدم بیلیمک حقنی و یرمنش و صنعت صاحب لری ایچون بو مساعده یی دریغ ایتشدر .

قانونده کی « بلااجرت » تعیری دعوا وکالتی مناسبته اجرت ادعالرینک مسموع اولماسنی اقتضا ایدره . وکیل ، دیگر بر مقاوله ایجابی از جمله خدمت عقدی مقاوله سی سبیلله

اجرت طلب ایدہ بیاہر۔ ولو کہ وکالت، مقالہ ایدیلن خدمت مناسبتیلہ ایفا ایدلمش اولسون۔ مثلاً برکیمسہ اجرتلی کاتبہ دعواسنی تعقیب ایتدیررسہ اجرت معینہ بی ویرمسی لازم کلیر۔ حتی یومیہ ایله طوئیلان کاتب تکمیل برکوتی دعویہ حصر ایتش اولسہ سیله او کونکی یومیہ سنی آلابیلیر۔

کذلک اجرت تعبیری مصارف ضروریہ نظرأ احترازیدر۔ از جملہ وکیل، واپور، تیرمن و تراموای کی نقلیہ اجرتی ویا محاکمہ مصرفلرینی موکلدن ایستہ بیلیر۔

قانون، آووقات اولمایانلره آنجق «طرفینک بولندقلری قریہ ویا قصبہ مہم» اولق شرطیلہ صلح محکمہ لرندہ وکالت ایدہ بیلیمک صلاحیتنی ویریبور۔ بوقیدی پک مطلق اولارق تفسیردن اجتناب ایتلیدر۔ فی الحقیقہ طرفین محکمہ نک بولندقینی محلدہ مہم دکلر ایسہ کندیلرینی اورادہ اقامت ایدن مستخدملری ویا وکیل امورلری، احبا واقربالری واسطہ سیله تمثیل ایتدیرمکده داها بویوک بر ضرورت حس ایدرلر۔

بناءً علیہ حضورندہ وکالت ایتدیکلری محکمہ نک بولندقینی محلدہ مہم اولانلرکده طرفین نامنہ حرکت صلاحیتی قبول اولنمالیدر۔

دیگر طرفدن «قریہ و قصبہ» تعبیری، محکمہ نک دائرہ قضاسندہ بولنان دیگر قریہ و قصبہ لرہ نظرآدہ احترازی عداولنمالیدر۔ زیرا طرفینک احبا واقرباسی مطلقا یانی باشندہ اوطورماز، مکتوبلدہ کندیلرندن وکالت رجاء اولونابیلیر۔

حقوق فاکولتسی مدرسلرندن

مصطفیٰ رسیم

حقوق فاکولتسی مدرسلرندن

آوروقات: ہرورت فریم

قانونہ جزا

یکی جزا اصول محاکمہ لری لایحہ سی

عدلیہ وکالتی کچن تشرین اولدہ آلمان اصول محاکمہ جزائیہ قانونی استانبولده متشکل بر قومیسونہ ترجمہ ایتمک اوزرہ تودیع ایتدی۔ قومیسون لایحہ بی آنجق شباط نہایتندہ اکال واسباب موجبہ سیله برلکده وکالتہ تودیع ایدہ بیلدی۔ مجلس عالی لایحہ بی